

四庫全書

集部

欽定四庫全書

集部

弇州續稿卷十三  
四

詳校官編修<sub>臣</sub>潘庭筠

中書<sub>臣</sub>劉源溥覆勘

總校官進士<sub>臣</sub>楊懋珩

校對官庶吉士<sub>臣</sub>何思鈞

謄錄監生<sub>臣</sub>袁文宿

欽定四庫全書

弇州續稿卷十三

明 王世貞 撰

詩部

五言律

題靈椿圖壽卓徵甫光祿五十

君不甘小草人能頌大椿年希知命域齒是噉名人跡  
與藍輿舊才從彩筆新猶聞上苑色絕勝武林春

十五年前與宋國李子定交於尊君前渠先生席  
上冬月走二千里見訪乞先生志銘夜談不勝  
感慨賦此為別

虛擬龍門在詩書業已荒無名借北海有淚灑山陽燭  
為清言短杯從舊事長汝才終世用不礙鬢滄浪

封詹事王公葬詞四章

塵世雖堪戀鈞天已借留神孫化玉局令子覆金甌帝  
日懸碑首卿雲挂壠頭此時華表上應有鶴來投

其二

送車傾海嶠上塚盡公卿  
風遞蘇耽哭天迴子晉笙  
芻靈俱氣象槐蔭轉崢嶸  
更是沙堤就如龍傍夜城

其三

舄奕綸褒下縱橫節使來  
一時叢慶弔四海讓榮哀  
樹玉深俱棟階蘭隱漸茨  
人間事畧備誰與報泉臺

其四

室縱滕公舊棺誇葉令  
良寧如天語錫更表國恩長  
斗

漢垂丹旒風雲護白楊似聞墦祭後俎豆已宮墻

藏經閣西偏俯小菴畫溪

紺宇藏經閣春雲晝畫溪隔花催小艇落日在招提彼岸如相引真源自不迷老夫緇閱罷隨意步東西

爾雅樓下頻墨池

小閣才踰丈千秋併在茲芸香鄴侯架花雨右軍池蠹與身同老魚將硯獨窺漸來能所盡終日但支頤

贈丘文學

爾信丘遲子吾幾失後生清冰知外氏白雪是家聲偶  
作依劉計因成御李名齊安好三徑秋菊未辭英

秋空上人練水講席未竟歸問之

初聞師子座高下天花飛何事捷椎響悠然托鉢歸道  
高魔事燒心淨世緣微却顧生公石雖頑知是非

報劉玄子先輩

七百四十字一字一珠圓江左青萍色中原紫氣傳小  
遲叔夜駕忍斷伯牙絃撲滿將充報平津射策年

其二

尚憶玄湖墅清流似浣花驚綸躍神鯉歸炬散栖鴉報  
爾弇園勝猶憐剡棹賒奇人復奇地今古恨天涯

練川篇四首贈朱嘉定入覲

練川雖鑒髮寧比令君明不淺緇衣好偏深白屋情萬  
人紛兩泣孤舄受風輕我欲攄銀管誰同循吏名

其二

愛汝朝天艤飄飄凌紫氛都無壓載石但有送窮文竹



馬能相候歌驪詎忍聞練川雖徹底清定不如君

其三

練川九里潤猶讓令君仁去作千家淚來為萬井春官  
安道州拙客誦萊蕪貧眼底諸黃綬疇無愧古人

其四

府主無何我朝賢一任踈此行仍上考聖帝必親除具  
以春秋對毋煩城旦書練川多詰曲直恐未君如

登金澤寺後小山

突兀數拳石興來思振衣  
剎連波色動帆帶夕陽歸樹  
老猿窺易僧貧鳥下稀  
毋勞感哀替宗社已全非

生日於泖塔避客作

六十尋常有紛余舊念牽  
莫談弧矢

闕

蓼莪篇白

社堪投老青山不計年  
祇應逢此月長喚泖湖船

誕辰次日解齋自嘲

縱減塵中累猶殘物外名  
從人稱下壽而我愛無生僧  
輟鐘時飯船餘網後羹  
陶觴與何肉雖有不關情

壽伯融王孫五十時以除夕生

及君知命境况復覽揆辰王國生楨後明堂布魏新桑  
蓬送殘臘湯餅向初春留得添籌客同為守歲人

龍司理君善得量移之命自徽過訪有贈得六首  
為尉不凌守居官能近民煙霞行部足鳥雀訟庭馴賞  
自膠東厚讒仍即墨新明堂大計吏聖主獨勞神

其二

被襪何其易輶攀出且遲賜環它日在投杼片時疑我

狎風波事君投山水辭朱絃毋遽絕世故有鍾期

其三

長沙不弔屈絳灌乃徒勞小恨無封事何煩更反騷  
應明長者窮好近吾曹所以馬新息終推龍伯高

其四

轍跡春泥少誰來惱辟羅不嫌詩社累仍傍酒人過  
一字官堪薄千秋仲孰多武陵花正發歸計莫蹉跎

其五

七尺豐碑在千人涕淚餘差聞董狐筆能勝樂羊書

伯玉

為作三碑惠澤溪同遠清心玉不如旌旄倘重過竹馬也軒

渠

其六

萬事吾難解孤懷可易開即今母貴少能不小憐才濁  
霧霾文苑雌風冷嘯臺新知尋老別悲喜遞相催

送丁先生試廻再赴太湖縣學廣文

此日公車對誰憐博士才三鱸伯起席一鶴令威來白

水為供帳青山是講臺太湖名偶爾莫逐釣船迴

金山上人苦行頭陀行若一切無涉者得劉子威  
贈言數百字而猶乞余詩未已為子威所迫勉  
成一律老夫其尤罪魁也哉

劉郎才滾滾贈汝若干言是否西來意將非不二門細  
應探業識難是鏟名根我更沉淪者羣經空自翻

友人潘景升文成而屈於試慷慨將游北雍余以  
詩壯之且招之

自草西征就何人不問潘諸生爭避席六藝許登壇  
邸近平津暖臺空易水寒朱絃雖可貴留向伯牙彈

其二

蘊結長沙涕追隨鄴下遊舉頭皆絳灌何處著應劉  
虎觀雖堪美鴻都莫浪投菰蘆天一曲虛却李膺舟

贈柳陳父

吾愛柳夷曠相逢輸素襟紫髯傖父相白雪郢人音未  
辦買山橐誰憐避地心世情杯酒似處處可浮沉

贈王吏部之子太學元禎

先朝論吏部簡要有王戎今日郎君長居然乃父風東  
書遊太學起草擅江東似過襄陽里時時口習公

鄧孺孝雅士也出新詩數十章贄余飲之酒贈之

詩

新詩不在廣晚交難便輕一諾了傾蓋五言足長城醉  
指弇中色何煩世上名他日良常頂與君聽松聲

覽古感時偶成十古律



知已世不易知人吾亦然方共東山隱甚謂安石賢物  
議善翻覆時情多變遷何如飲清泌高咏白駒篇

其二

右軍本清貴暮年厭時私偶聞遠游訊遂結良常期崢  
嶸破羌帖掩抑誓墓辭朝賢未應悉惟許藍田知

其三

阿游踞東閣贛君談坐隅小生乃相吏苟出當非夫感  
慨事已往功名人自愚縱甘嗟來食念此非窮途

其四

東京昔云季賢哲亦懂懂少猶慕黨錮晚則趨中庸吾  
愛黃叔度世矜郭林宗攬輝固威鳳無悶乃潛龍

其五

何由貢禹冠寂寂向空彈薇蕨儘堪飽薜蘿殊未寒將  
無弋腐鼠謂欲餌鵲鸞見侮乃如此雄心胡不殘

其六

元王濶大歷矯矯獨楊公所以白麻下弇然素絲風騶

呵京兆削粉黛汾陽空雖憐奪之早高名翻得終

其七

冬寒衣一稱朝饑酒再巡老叻兒女惠粗足漁樵身幼  
安恬遐野子魚慚要津苟無青雲望何必登故人

其八

少日不知佞老來寧貢諛念君當爾爾聊此布區區廊  
廟既已聖山林安自愚忘機獨鷗鳥或可與之俱

其九

朝事不入耳入恐滯眉端君子自為敵小人能即安牛  
李橫角觝洛蜀競崩湍未必深山內聞歌行路難

其十

鄉書不入眼入恐翳雙眸閭井有封豕衣冠多沐猴東  
家易新主西田非故疇欲借空門宿閣黎訟比丘

為張幼于婦題墓碣

汝佩九光去誰徵三秀辭為深潘詠感留表謝廷思埋  
玉眠牛地生金幼婦碑忘情余久矣聊與一傳奇

袁抑之大宗伯考最暫還里寄問之

閭門楊柳春負弩候征輪寧知休汝者居然臥雪人問  
菊無三徑移牀礙四鄰猶言故里好嬾作帝鄉臣

小軒新構枕白蓮池即碧蓮也一丘歸然池上三  
方皆竹閒居偶成四章

壁畫白蓮社池種白蓮花清楚既已畢濁醪徐當賒遠  
公故不禁陶令亦無他從此西方路還應置酒家

其二

前林綠篠潤後沼碧蓮芳  
介爾一丘上翛然三伏涼  
偶凭扶老去聊喚索郎嘗  
除却香山叟誰能共我狂

其三

軒中何所有秋蘭碧葳蕤  
鉤簾落花入圍棋清晝移  
何以荅韶景偶然咏新詩  
不涉人間境人間那得知

其四

佛書置不讀玄言誰與酬  
惟將嗒然意來坐茲軒  
幽紅萼總飛盡黃鶯猶滯留  
不知春色好那得送春愁

題軒中靈壁石

有石高僅尺宛爾巫山同許借從吾弟移來仗小童雨  
垂青欲滴雲過碧爭雄安得壺公引輕身住此中

栖賢別墅

一噉栖賢笋能令齒舌芬籜龍留付兩梢鳳盡干雲念  
欲同清隱誰能無此君長鑱白木柄自與鹿麕羣

漁山別業

此山非漁藪此漁偏在山羊裘那肯著鰕菜或時慳不

得亦不賣長饑故長閒誰逢海樵子高論白雲間

贈醫者張生

吾憐張仲景賣藥不論錢白屋人偏起青囊手自編  
從針底失蛇向壁間懸欲識倉公姓還憑太史篇

柳陳父再來出其詩尤勝因得徵其兩館平津事  
且有悼亡之戚梵然一身而其尊人為湖南小  
官方捐橐為餉感而贈之

重來詩更好稍稍露行藏却問平津邸何如谷口莊缺



彈寧為腹絃斷別縈腸薄祿湖南地瞻雲淚萬行

陸大夫奏最推贈乃考武東翁及妣胡宜人寄以

二律

漢代嘉循吏黃金爾賜偏乃增頻川秩特起南陽阡紫  
詰鸞雙捧玄宮日對圓好將光顯意一慰蓼莪篇

其二

奏最傳東觀旌書下建章平添華表麗轉見帝恩長中  
散新移品修文舊拜郎人間與天上同是一輝光

欽定四庫全書

弁州續稿  
卷十三

十一

輓李近樗士牧為余畫三壁奇偉甚方欲要之別

作而死矣惜之痛之遂成一律

西林三畫壁三吐胷中奇往往有生氣時時留去思交

游旦夕冷妻子歲時悲賣酒泉臺肆唯應李白知

君以  
酒病

卒李白詩云夜臺無  
李白沽酒與何人

後芳素軒四首

夏陰無不可飾我軒中容枕簟漸相媚琴書時自慵萍

間尺咫月竹隙兩三峰更有會心處招提來夕鐘

其二

剝啄都不應飯餘貪晝眠卿仍卿禮法我與我周旋偶  
適魚鳥性漸諧花竹緣揮毫得小語不解喚詩篇

其三

興來呼蠟屐去踏雨餘山戀此槍榆境仍健薜荔關浮  
雲時一憇倦鳥復相還觴咏信云美猶然妨我閒

其四

欲謀高枕路聊引一編書乍可為蝴蝶那能老蠹魚竹

欽定四庫全書

弁州續稿  
卷十三

十一

陰侵徑合蕉影入憲疎却笑遑遑者何煩責宰予

為姚下山題臨雲閣

知君是姚合小詠滿菰城飛閣千山表流雲四面生時

潤几席往往臥簷楹莫學通明恡相為貯一鎗

愛上人自天台還襄陽福嚴寺送之

爾傍天台宿能揚智顗風襄陽好名利耆宿有安公楚

越浮踪並人天慧眼空莫將無住意容易問龐翁

俞比部拏舟跡予過許墅同陟慧山投詩見贈輒

爾倚答

第許同舟在何論傾蓋遲久知饒節槩况爾吐心期水  
作絃中語山為畫裏詩莫疑深繾綣眼底待看誰

顏廷愉執弟子禮過余而不飲酒得一律送之

生無束修贄愧爾號門人卮酒不肯御形神安得親衰  
輸嗽名客病愛乞骸身五彩行當就扶搖搏九旻

唐子兩司錫學前後八年矣遷教授岳州以行錫  
諸生碑之以志去思

聊携杏壇席去上洞庭船碑灑陽城淚官深夏禹年名  
緣却贄重詩為解頤傳一問君山酒何如第二泉

送林司諭教授廣信

藉甚林夫子移官與衆同乍新青雀舫依舊素王宮才

吐牛刀割文爭斗劒雄時偕柳常侍一咏白蘋風

柳惲嘗令

其地

太宰袁公抑之同訪虎丘得二首

偶逢袁粲屨重訪王珣廬並老偏余甚長貧不子如叨

為啓事客終愧絕交書搔首斜陽下蕭蕭兩鬢疎

其二

栩栩同仙舫遙遙指佛廬尋常一醉地三十五年餘和

靖臺頻圯生公石自如人生幾堅脆罷酒更踟躕

與公  
刺醉

此山三十  
五年矣

再呈表公二首

一時同被命兩䟽各祈歸白髮寧論是青山可見非看

君眠處穩愧我戰餘肥何物酬知己傾筐有蕨薇

其二

長者先投客鰕生敢自禁拂衣吾輩事推轂古人心何  
屑辭偏巧樊英隱未深三山名勝地或謂可浮沉

曉從北門舟發入弇園即事

小艇傍江城統統過五更朝光澹月色人語雜鷄聲不  
寐神偏爽無營思轉清松關一啓鑰禪坐與經行

李本建鄉進士以其兄本寧大叅之狀來請銘其  
母匡得五言一律贈之

衝寒孝廉舫來問議郎碑密竹輝彤管新文愧色絲俱  
憐五鳳曲同作一鳥悲絕勝周侯母唯餘義慶知

得何仁仲遠訊且以蜀箋索采芳洲新詠為作數

語

芳洲生杜若楚畹滋幽蘭采摘不辭早馨香虞漸闌美  
人侑縑素密意比琅玕若語吳王徑千秋蝶夢殘

送僧遊五臺

見說中臺北長飛六月霜諸天盡煩熱此地獨清涼處

處金剛窟人人妙吉祥老夫在方內高枕亦羲皇

題攝山舍利塔

昔我問阿育驅神作道場如何震旦國重見鐵輪王  
變幻從僧語依微盡佛光那堪事勢盡千古但蒼涼

千佛巖

仲璋感先志諸王貪夙因雕鏤慚伎倆刊削滅嶙峋  
千佛本非佛一身猶幻身雲門拈出後黃面少精神

龍潭驛即事

欲尋龍起處正值雨來時天地陡然合江山相闢奇興  
高那畏濕心遠任登危呼得宜城酒呻吟且咏詩

清明日謁孝陵步屨而下稍就肩輿抵觀音門即

事作

不盡鍾山紫能令步履便濤聲栢樹杪曉色桃花前嬌  
女怯上冢貧家輕禁煙後湖如練白第少楸頭船

觀音閣諸公餞別袁抑之太宰

萬仞削不盡千秋留至今長江天地帶清楚海潮生豈



以皈依念能銷悵別心扁舟夕陽外巢許意何深

月夜小閣同陸公與繩宿奉呈一首

寂爾對孤月脩然餘兩翁乍驚天眼闊悅覩色身空不  
飲從醒好無言與悟同由他暫時路也是一家風

侍御荆使君邀登北固作

京口借名鎮茲游良壯哉六朝天北顧萬古水西來潮  
壓金鰲小雲低鐵甕開亦知饒感慨吾豈大丈夫

北固  
舊名

顧北

其二

為挹三山紫聊陪一馬驄峰奇向背日江闊往來風雨  
色將衣重霜威付酒融誰言識荆晚不負白頭翁

同諸公游高坐寺登兩花臺

此地昔高坐諸天盡雨花我來當落日萬壑競蒸霞小  
供維摩飯時呼陽羨茶不須頻豎義睥睨有歸鴉

與諸公過瓦官寺作食

一徑新蘭若千秋古佛場晨鐘梵網肅午飯茵陳香游

興偶然洽塵勞應暫償翻嫌二碑在能益老僧忙

曹子晉有狹邪之游以余一言而絕扁舟特造白  
下見謝壯其意留之十日乃去身心家國之感  
別自有之不以子晉也

末路解繩跡少年多俠遊生能學周處吾豈厭曹丘十  
日丹陽酒三江白版舟故園無限淚黯淡不成收

奉送大司徒王公入賀萬壽

嵩嶽將傳響明河可問津錦帆懸日月朱履躡星辰陛

下唐虞主司農社稷臣倘陳金鑑錄須及繭絲民

黃生季文論詩有贈

憐生初負笈業已厭儒冠莫謂成風易須知和雪難一  
吟頭可白九轉竈方丹但有千秋在何煩世眼看

陸成叔出新詩儔麗甚然多平康巷中語走筆戲  
贈且以為風

煙月清溪里風流白苧辭玉臺編後出銀字管中吹六  
代才難盡三山景尚奇毋令小謝後寂寞使人悲

齊王孫仲望邀游清涼寺因成一律蕪簡陸生

淮桂偏招隱齊門不愛竿鹿裘行處是龍種看來殊並  
躡東山屐雙傾從事壺高齋足幽賞携得士衡無

友雅堂為省亭宗侯題

不以朱絃貴悠然山水期千秋餘尚友二雅乃吾師夙  
有文堪會都無俗可醫自憐非長者轍跡廢追隨

其二

大雅久不作知君夙尚深屏除阿堵物清得剎那心有

地非金埒無絃祇素琴正平未牢落北海晚知音

哭從子一鳴茂才

竹林無小阮老淚獨潛然貧與生相守愁從死暫捐肆  
多賒酒券囊少賣文錢哭逝人皆有啼餓更可憐

王承父雨夜過我高齋貽詩頗致鵠原之感聊爾  
奉酬

一片鍾山雨能令旅思驚邊鴻方唳影谷鳥偶嚶鳴已  
自乖兄弟能無藉友生相留小時住收我淚縱橫

黃山人說仲故文毅公大宗伯石龍公後也投詩示  
余別去依此為贈

司空通德里宗伯右文朝自爾毛仍彩能令木轉喬虹  
為滄海釣霞是赤城標此日黃金錯投余愧報瑤

雲間徐生故同年少司寇公之少子也挾其藝應  
試南都乞余詩贈之

孺子南州彥徐卿第幾雛家聲仍鴈塔國藝向鴻都西  
弄花堪摘長干酒可沽如過爽鳩署能記履聲無

壽陳醫箕仲父也

家是朱陳里名同秦越人談詩身外業頌酒性中真客  
種余山杏僮收泖水蓴有兒何必問孺子豈長貧

慰吳翁晉失利

春官日討論本意欲還醇文苑翻成厄儒林未覩真家  
聲三禮舊詩法五言新莫以楊朱淚輕沾建業塵

馬從甫別六年矣以詩投贈余詩轉佳而復不第  
走筆慰之



別汝六年強居然荷芰裳虬髯生自赤鯨力句逾蒼納  
履烏衣巷呼舟朱雀桁即航公孫無厭苦垂老始賢良

乞骸待命於長至不能行禮自嘲

漫勞宮監詰何病不朝天奉寢生來懶拈粧祇自憐妬  
應無可妬妍則幾時妍任有羊車夢那從到枕邊

七弟大事皆賴曹氏甥子念今來視我金陵無何  
告別垂泣送之

衰年無限淚握手便縱橫玉折兄憐弟珠聯舅愧甥欲

教輕作別除是學無生一片秦淮月還懸亞字城

其二

生憐石頭水大似渭陽波誼以窮交重詩從外氏多酬  
恩唯有淚當泣且為歌亦解金陵好如吾不住何

送故人汪禹乂之子堯卿謁寧國尹使君

禹乂以窮死寄悰風與騷諸兒盡舒儼孳子是枚臯小  
賦不堪飽薄游空自勞非君貺金錯那得剪蓬蒿

偶得桃花塢而竹逾勝遂成一律

不知何氏塢花竹事仍偏半嶺綠於染千村紅欲然任  
呼司馬醉翻得長官憐咫尺漁人地毋妨與世傳

於江頭送別少司寇李公時公合撫楚弼刑之績  
凡六年矣

送君重報政為我盡離觴不競薪從積無名草更芳  
冠三楚日鷄署九秋霜唯有聯班者沾衣惜鴈行

同大司馬吳公少宗伯李公飲桃花塢分韻得花

字

綺作王孫障金為帝里家何如韋曲地只種武陵花  
暝奪村村曉晴蒸樹樹霞明朝寫團扇桃葉未堪誇

再同二公登雨花臺仍用花字

高坐同支許清言勝永嘉忽穰平野色猶似講壇花  
岼憤和風狎移牀返照斜將何消醪酊乞得老僧茶

莆田林茂才遠哭太常亡弟訪我金陵書行卷贈  
之

閩天萬里棹來叩婁江潯封樹門人淚生蜀國士心汝

能存墓劒吾自感人琴為語酬知地春風在上林

送廷尉王公聽調還濟寧

吳公拜廷尉治行漢臣欽何自中山篋能移慈母心避  
言臣節苦休沐主恩深我亦栖栖者聊為澤畔吟

同鄉楊太宰吾宗少廷尉路戶部沈比部袁叅軍  
王司訓會飲趙中貴園亭分韻得風字

樓倚仍吾土筵開傍帝宮鶯花二月半蝦菜一尊同獲  
侍闕西震叨為吳下蒙吾家阿咸輩大有竹林風

送路起部考績北上

龍文舒鬱淳鶴骨挺昂藏使節冰霜勁留垣日月長  
倉曹人物志國計度支郎早晚山公啓高名滿建章

陳李廸先輩失第歸遣信相問賦此慰之

夫君抱玉琴宛爾千秋心舉世稱復古何人真賞音  
從他和雪寡且莫還山深不見金陵子翩翩賦上林

送何司農靜吾遷尚寶丞

廿載鵷鸞侶三朝骨鯁臣賜環寬雨露尚璽切星辰  
虎

口憑誰脫羊腸肯自論莫將黃髮意輕傍少年人

送陳博士擢貳汀府

可知丁字水能迂使君船案牘成風手功名半刺年庭  
饒書帶草閣長廣文韞識得絃歌意新蒲不作鞭

送喻少極叅軍遷長北中軍幕

而父龍為友今君鶴在羣箕裘漢司馬禮樂晉中軍衛  
府芙蓉幕吳鉤菑菑文一尊相送罷惆悵隔江雲

沈孺休感曹生仲行高誼乞余詩以報得五言二

章與之

曹丘寧任俠其意乃憐才得士風塵裏恍然雲霧開浮  
沉不改諾緩急豈論財所以千秋墓猶傳羊角哀

其二

貧士易為德窮途難報恩將予片言贈擬作千金論逐  
客驚新詔歸人怯故園唯應五噫客偃蹇伯通門

馬將軍海鹽之役以力戰殉節特詔進世官二階  
賜祠春秋饗祀弗絕其子總戎君建勲持重廉



惠有大將風可謂世美矣因併及之

一代馬新息英風颯至今能將襄革事了却據鞍心樂  
府歌都護孤兒備羽林清源務持重不愛時間金

送張儀部僉蜀憲

未泊東吳棹先占益部星文章留白下斧鉞動青冥好  
踐刀州夢還期劔閣銘聊將竹枝曲一與使君聽

侍御黃仁甫以厥考新溪公之贈與母熊太孺人  
之封也扁其堂曰皆恩而不佞系之詩

北堂多媚日西墮有悲風忽覩青鸞誥雙飛下紫宮榮  
枯人理別生死帝恩同欲識移忠意南牀白簡中

風阻瓜步辱李季宣先輩破浪過訪與飲過揚州

始別

雪疊千尋浪風橫一葉舟我慚羊叔子君似郭遐周久  
不逢泥飲翻令愛石尤欲將無賴意相與問揚州

舒司馬要飲天妃宮後橋亭水月佳甚暢而有作  
淮水寬餘浸丹橋抱古亭雙虹橫斷續一鷺立空冥高

論時相藉輕觴不肯傳從他明月色難掩使君星

其二

地主能延客天妃亦讓宮廣陂偏受月積水自成風感  
舊深杯後憂時細語中黑頭勲業在慎莫問藏弓

送李無錫入為儀部郎教習駙馬

傳粉何都尉含香漢省郎禮曹新日御戚里自風光花  
邑留馴雉笙樓引鳳皇唯餘邑父老選石慧山忙

郭太史美命先生貽詩見投奉和僅得二章

策士董江都騷人屈左徒名高自張楚才大欲吞吳一字心堪死千秋意未孤好將疏越調結鯉向姑蘇

其二

吾憐郭景純新賦美無倫官閣紬青史師門得素臣去裁郢里雪歸問武陵春莫結王生襪虛名恐未真

正月八日即事

穀日距元日風雨正迷離日色何曾見天心未可窺骨銷朋黨論心折夏侯辭早晚林深處咿咿有子規

穀陽公入佐天官兼領翰學賦此送之

且莫疑清世居然表直臣已煩司藻鑑還復贊絲綸起  
色江湖濁封章歲月新須公一砥柱吾意已沉淪

寒食於官舍私薦感痛有述

曉知寒食節灑淚薦清酤歲歲悲新鬼時時恨大巫庭  
幃兩世盡天地一身孤似有君王詔青山著老夫

四疏  
乞休

以聞  
見故

送林茂才以材之澧州赴華陽王館

調笑辭蠻語歌呼慕楚狂青箱從建業朱邸有華陽醴  
是賢王寵蘭為大國香浮山與繡水聽汝貯奚囊

故人周士昌以宗伯董公書來視余值方倦奕乞

一詩而歸

機心老欲盡對客厭圍碁汝挾孤山授唯容太傅知春  
堤幾兩屐秋省一篇詩便是饒歸計從人笑數奇

陳廷尉追送棲霞同叩達上人詩別陳公

江淹不怨別陶令欲披襟為接遠公話俱生無住心林

枝却飛蓋澗溜寫鳴琴從此猿鳥跡翛然不可尋

贈王學士碧水橋

太史藏書所西林古渡頭橋通千嶂碧溪抱一村幽小  
徑有時合落花隨意流柳梢維不住身是濟川舟

寄龍君善博士

空自三才絕時違不得驕官仍廣文冷地覺永嘉遷所  
至寬遊目何妨且折腰黃柑三百顆好趁越江潮

六言律

贈海上人叅五臺

比丘擬叅室利乞我一詩證明久矣毘邪杜口其柰苦  
薩求名清涼自心自造煩惱不滅不生畢竟都無可贈  
別有繻傳西行



弇州續稿卷十三

欽定四庫全書

弇州續稿卷十四

明 王世貞 撰

詩部

七言律

初得南廷尉報偶成

戟門逃暑似蓬廬  
忽有分司洛下除  
世事從呼慣牛馬  
鄉心兼喜得熊魚  
未論朱芾堪賒酒  
依舊青山好著書

厚祿自慚無寸報主恩前後不曾虛

余將赴金陵陝帥董中丞追詩及旣走筆報謝

交游垂晚盡時名誰復醇深似董生得汝片言堪結襪  
贈余雙案欲連城函關不鎖三秦色天塹長流六代聲  
敢為相思愁道遠建康今是漢西京

陳體乾太僕邀飲醉翁亭

孤亭面面歛青蔥坐語翛然萬慮空樵逕漸移殘照外  
商歌忽入暗泉中巖頭寂寞諸名蹟石上婆娑兩醉翁

也解板輿松影好披襟留試月明風

月夜偕體乾太僕過飲豐樂亭

路窮平楚近還疑忽敞空亭碧四垂  
延盡緒風仍岫憤踏殘涼月更飛  
卮催花別按漁陽慘拂蘚仍看幼婦碑  
莫訝深更未成別風流今古並吾師

夜過栢子潭恭讀御碑是高皇三注矢得兩事

金書巋巋聳長空彷彿神謨大禹同  
澗底泉鳴疑去鏑峰頭月滿似彎弓  
蒼藤忽破虬龍影怪石頻穿虎豹藂

似覺普天多苦旱可無靈雨報祈豐

過飲陳體乾少卿時石拱辰大卿遲一驛未到

驛騎關河新雨餘逢君設醴更焚魚孟公雅自能投轄  
內史何當不下車浮白寸心終自吐乍青雙眼未全舒  
明朝定有新知會迢遞南雲日夜疎

黎惟敬內翰沈嘉則張幼于諸君過弇州園分韻  
下馬捋鬚無限情微言入坐有餘清巉巖水落黿鼉出  
峭蒨風過鸞鳳鳴賓主東南當代事廟廊丘壑暫時盟

中朝若問王廷尉一曲滄浪寄此生

其二

青蔥竹栢吐餘姿不似長年搖落時已割溪雲充野供  
還調澗溜作清絲客緣探隱難言結心到論文偶自知  
但許布衣懽十日未應惆悵問歸期

贈名醫盛老

盛老醫甚精而有癖疾每携妓避客輒數月莫  
可蹤踪故云

先朝奕葉尚醫郎御史中丞蚤鴈行時復閉門如泄柳  
忽來施藥是長桑胡姬慣識絃中語弟子能傳肘後方  
見說刀圭如可借野夫那怕髮蒼浪

丁丑元日試筆

今年節物媚吾廬兒女分行拜起居官興盡來知骨肉  
主恩深處領樵漁屠蘇到我春從晚爆竹由他歲慣除  
蕭散虛窓聊捉筆可能成就右軍書

右軍五十二  
而書成故云

初正答謝江右潘中丞

宦跡流年已併除。詞腸酒態未全虛。山南東道初辭節，  
江右中丞再寄書。文錦細盤銜草鵲，紫瓊新膾帶冠魚。  
莫驚廷尉門猶暖，自是交情古不如。

石丈自滁穆丈自魏貽詩見慰罷官走筆呈謝并

予近况

閒門久矣雀堪羅忽有雙珠拂幕過陰德總輸于氏遠  
交情終比翟公多數拳地借包山色一曲天留鏡水波  
在昔相思須命駕可能攜手問煙蘿



其二

初從納節號間人踪跡空勞兩地論  
居魏江湖懷北闕環滁山水惜孤臣  
聽鷄起候村梅曙泛蟻偷爭野老春  
如此風光真自好可容長作半閒身

莫子良方伯以花朝自感詩見貽率爾奉答

短蓬風色晝淒其誦爾花朝感歎詞  
衆卉只知為雨勒喬松元自得春遲  
縱今芳意如平仲已有幽心付子規  
轉眼繁華何足問祇應商略歲寒時

莫方伯子良與子雲卿追餞松江道中留贈

小舫飛觴不厭頻交情父子更誰真青雲未曉彈冠意  
明月元多按劔人總是衆知龍臥穩也還身覩鳳毛新  
臨岐一扇書雙美此日難教謝傳論

子良數薦未起雲卿又不第故云

太師存翁相公以元旦家讌詩見示次韻

山中宰相啓初筵乍有修風綠野前北闕定書南極瑞  
老臣親致太平年尊開四代長宜栢燭憶三朝舊賜蓮

公詩有午時觴  
咏到燈前語

見說新詩傳欲徧江南草色已油然

解任後得明卿罷官報寄贈二章

參差尺一謝朝班回首風塵夢寐間敢謂清時稀白簡  
居然薄命損朱顏浮雲久自深吾輩春雪猶能近故山  
家近郢世態紛紛何足道與君偷得到頭閒

其二

郵書一到不堪聞起剔殘燈坐夜分塞馬論來終是失  
冥鴻去後許誰羣無妨中散來千里更喜延之詠五君  
與說近踪應稍慰買山全占洞庭雲

荅于鴈先

一春孤抱歎無當  
行卷初開喜欲狂  
今日君王應愛少  
古時童子解為郎  
羣珠揀盡無魚目  
六翮成來肯鴈行  
莫道李膺門第峻  
久容文舉獨升牀

林近夫朝同時返嶺外以詩見寄感而有荅

杯酒沈沈且杜機  
新詩一讀淚堪揮  
誰能漢省分鳬舄  
便向吳山問薜衣  
客許故情銷骨後  
自憐前事捧心非  
封書欲發還多感  
縱有梅花驛騎稀

偶寫近況

三拋符印返江鄉其奈差池五十強  
懶勝世情無一可醒多春夜亦成長  
文章薄曉才難繼兒女粗安事未償  
甚欲掩關抽二藏天宮淨土總茫茫

舊有詩贈月溪上人將十年今春至吾州講經畢  
過我小祇園言別更成一章贈之

十年高坐許重登不向無機說小乘  
破盡六宗猶豎拂聽來半偈是傳燈  
談時舍利祥光顯到處軍持法雨興

若問中丞何似業居然退院一間僧

李丈琦自解銀臺力辭不出讀書燕中賦此見懷  
當年風采動朝端咫尺天衢行路難金馬醒多猶礙隱  
銀魚卸却始成安聊從秘術探鴻寶不為雄心注鵲冠  
見說郊居新賦就可能將寄阿筠看

姚匡叔以道術為用晦諸王上客携其書來訪惓  
惓七子之盛有感而贈

握手相知柰晚何且將魚素慰蹉跎淮南道術賓初盛

鄴下風流事已過見數八公君第幾空傳七子世無多  
春來社酒能從否莫道閒門雀可羅

書懷

風為開扉旋掩扉春催花發又花飛客歌夫子哀時命  
天與先生杜德機久自青雲詞伯少從他白簡酒人非  
興來爛漫揮毫罷且復婆婆里社歸

況吉夫大叅以長箋長律見期讀史記有感而答  
鴻書忽自豫章天讀罷撚鬚一莞然續漢中郎空見許

過秦新論有誰傳君憐竹素將來日我在雌黃未定年  
何似掃除千古障爭名空室坐逃禪

宗良國將以近作見示且致知己之感有答一章  
行卷初開喜欲狂看來字字挾風霜那從帝子鳴鑾玉  
且學書生看屋梁憶舊明璫投漢渚憐才清夢遶吳閭  
知君豈少南州譽誤信王生齒舌香

德甫居太夫人憂致詩見慰悲激用壯聊成一律  
為答



癖懶歸來白髮侵故人清問一沾襟不知鷄骨支牀日  
能作龍淵滯獄心變盡浮雲盧嶽在涸殘秋水大江深  
與君但解逍遙意何事區區梁父吟

闕父國尉以乃叔用晦書介紹投詩見褒有中興大  
雅語率爾答贈

新詩藉甚美清楊汝叔書來許鴈行已是入林同小阮  
還應賭墅似中郎文高龍種偏堪識祿薄牛車也不妨  
莫向中興論大雅老夫名姓欲深藏

魏父佳父二國尉合書及詩見寄極有龍門之思  
因及于鱗悵然有懷奉荅時舍弟方按部其地  
並馬翩翩過酒胡子侯腰玦有珊瑚青萍對結雌雄斗  
石筍雙抽大小孤笛裏悲風追濟上琴心流水到姑蘇  
不須惆悵登龍遠曾試吾家阿敬無

答用晦丈時有三詩極為余致不平之感且訂後  
期

高枕懷人忽黯然西江尺素自鴻邊無言白壁偏堪點

何處朱絃不可憐  
縱酒此生終得計  
論文它代別為權  
與君商略嵇康駕  
紫氣湓城在幾年

初夏行園有懷敬美弟南康

清和時序雅相宜  
阿惠那能讀我詩  
行徧池塘猶是夢  
聽殘絲竹未成簾  
香鑪可作齋中物  
石鏡誰臨畫後眉  
時弟迎家未列翻恨雙鴻毛羽就  
北風吹斷各天涯

余燕中別宋廷尉望之今十七年矣公秉鉞吾邦  
余謝病歸里雖訊問時及而竟睽握手乃成一

詩奉懷適太學張恒思以畫索寄漫題於首

差池握手愧初盟十七年來何限情念我和歌無宋意

知君結襪少王生棠陰轉傍華陽館

華陽公別號也

柳色仍圍

幕府城

留都有幕府城

不是逐臣多落魄可知吳市易逃名

程京兆汝懋視余少長別燕中者三十年矣余自

卽入留棘謂得相從而竟以言罷方成一詩奉

懷適太學張恒思携畫索寄漫題於首

何堪屈指看花時並有霜華上鬢絲宦蹟乾坤垂欲盡

世情離合本難期  
丹陽劉尹多佳話  
京兆張郎不嫵眉  
若問同袍辭節後  
酒鑪茶榻解支持

和王百穀懷出妾

離懷黯黯未分明  
祇憶郎君一句清  
妾與書生俱薄命  
花隨春帝不長情  
愁回樊素行時首  
枉却紅兒死後名  
誰道兩坊三百步  
陽關分作斷腸聲

伯穀曾有句云書生薄命元同妾為

袁少傳所重

初遇子與方伯崑山旋爾言別赴任江右

馬鞍山脚乍停船黃鳥嚶嚶到酒邊我自一翁安避地  
君還四嶽近朝天初完趙壁披雲出忽折吳鉤向斗懸  
蓄念千端那可盡不如相對坐陶然

汪惟一得古印摩之易其文曰五湖長見贈

籀跡秦章手自摩刻剗翻擬贈潛夫毋論此掾同三語  
且愛新銜長五湖到處酒旗成鹵簿見來漁父是官徒  
如聞尚有風波事一榻禪房署芟芻

寄贈顧生

里門冠蓋學天津南阮由來不厭貧從他廢箸免曹事  
似汝淫書我輩人沼上墨花堪染練堦前帶草欲成茵  
肯為辟疆容徑造那將蠟屐比朱輪

李文正吳文定諸學士於海月菴賞十月菊五七  
言律俱以前用騎字押和頗成險窘余戲悉為  
步之

貪看晚節傲霜颺淡色幽香冷不辭入坐叵羅爭自引  
歸來款段未須騎推敲月下猶孤語競病風流彼一時

若使東籬主人在攢眉那肯和新詩

賀張太史

天上張星傍斗懸鳳池春色鳳毛偏久聞伊陟能光後  
共道周公許拜前從此玉堂添氣象幾入金殿領勾傳  
承家故有絲綸在續史何勞慕馬遷

寄贈史金吾

看君真作韞川珠襲坐春風況不孤家世舊傳南史氏  
禁廷新拜執金吾門無下客歌彈缺詔為名儒掌唾壺



最是將臺尋禮樂未須終夜讀陰符

題潘中丞芝林時昆山書院成芝滿於林故以名

焉

數盡潘園賦衆芳何如神草被昆岡庭中玉露溥三秀  
木末丹霞散九光出共簑蒲昭聖瑞歸同天韭作仙糧  
野夫亦有黃公癖地肺何年許並藏

送子與方伯赴江右任兼懷德甫用晦二君

雙旌宛宛向洪州斗色雖遙漸可求定有徵君堪下榻

那無帝子共登樓  
西山南浦來尊外  
紫電清霜滿案頭  
屈指三朝詞酒客  
幾人方岳領諸侯

石湖遇朱在明小飲將別邀過虞山吳氏館

南薰徐入芰荷裳  
小艇遙停喜欲狂  
雙眼忽分湖上碧  
五言能借嶺頭蒼  
從他興盡難迴棹  
念汝情深好對牀  
見說虞山多勝事  
相携且踏少年場

謝襄王存問一首

納節歸來萬念荒  
祇殘清感渚宮傍  
能從蜀肆沽醪醕

為有梁園賜鸛鷖忽爾佩蘭貽帝子可還乘雨報君王  
襄江正是沾恩地流到中吳始見長

壽王太常有壬

烏衣江左數諸王誰似三朝老奉常有魚須丞相笏  
囊餘鷄舌侍臣香看山偶爾施雙屐避客猶能挂一牀  
屈指舊京鸛鷖侶在可容時進百年觴

敬美弟有荅予寄懷之作適以奉賀歸倚原韻為  
贈

十年岐路感商星見和新詩未忍聽幸自歸家同社燕  
還將握手慰原鵠南金價重留成鏡雲母恩深宴作屏  
莫以微涓誇湛露高陽初醞若為醒

戲寄吳生

我愛髯公氣誼深長因任俠賤黃金裁成豔曲呼如意  
教就明童字稱心歌管時停星檜底酒船多在尚湖陰  
東鄰更有陳遵在失却鸞篋好易尋

謂陳少卿也

殷無美余故人也東歸之後贅而強納拜焉輒成

以贈

一歸初就已忘言三徑雖荒好避喧  
羅雀汝寧廷尉客登龍吾未李膺門  
雲披勝覽堪雙出海踏狂探試共論  
若語抗顏專席事至今猶愧古人尊

張見甫以臘月見訪明歲之夏復走使訊問感而有寄

破臘輕舠問五湖衝炎信使走長途  
誰能作伴門前雀汝自差憐屋上烏  
洛下寺碑堪小語江南匣劍已全孤

何時更擬平原會紫氣從他看有無

送成伯鴻臚還朝

齋舫紛紛秋色間幾人符傳扣天關仍參豹尾君王仗  
親綴蛾眉將相班望裏金莖仙作掌墀端玉筍品為山  
交游倘及歸田叟洗墨分甘未盡閒

贈汪生象先

父客吳趨一見尋翩翩公子更詞林才清似得顏延筆  
橐在全無陸賈金偶自履霜寧入操居然愛日有餘心

衡門幸少孤臣淚濁酒新涼取次斟

贈劉生

故大司馬莊襄公孫也

百戰侯封表賜瑩廬山一一倣長平清朝戢武閣留顏

名閣

色白首降羗記姓名敢謂文章歸阿士于今意氣少劉  
生燕然尚有將軍石倘許如椽再勒銘

鄖襄之役與伯玉侍郎別恰三載矣聞出銍中至

錢唐走信奉迎因成感舊之作

祖道春明三載強宛如蘇李賦河梁君應食酒談廷尉

我但登臨憶侍郎一棹不妨衣帶水  
九秋誰拂蒯緱霜  
祇園處處堪題石莫遣青山負舉觴

題破榻齋為彭稚修作

蕭然一榻在行窩支足塗龜網  
薜蘿自為幼安穿處久  
非關仲舉下時多堆來黃卷疑風落  
掩罷青氍許客過  
任是五經能腹笥即妨高枕竟如何

為藩史顏君題竹山寄樂卷君有子為州別駕著  
聲



念爾才名楚望殷長裾曳罷不勝閒曾陪梁苑題修竹  
更與淮南賦小山雲卧暗滋荆玉色雨餘驚露釋龍斑  
爭誇別駕傳家美家訓傳來舊姓顏

方與客談園池之樂而有索書戚大將軍者因縱

筆戲贈

碧漣朱舫幕青油千騎何須擁上頭雨後旗鎗新茗合  
風前劒戟嫩萱抽編籬別按屯湟壘對局爭先搥魏謀  
君自不封如李廣野夫時號醉鄉侯

汪仲淹病後見過出其新詩有贈

念爾蕭疎病骨輕居然綵筆尚縱橫但驕吾黨僧彌美  
未掩君家驃騎名分得一珠猶照乘可應雙壁不連城  
燕中縱酒論文地矯首浮雲百感生

贈從孫伯和需次察幕

衿裾藉藉滿長安羨爾君恩畫錦難已自辟書觀察使  
何須不著惠文冠如叩豈為貲郎謁休汝從誇駟馬看  
任是烏衣名稍次王家羣從總琅玕

明卿約以秋月枉駕尋有詩來改訂春期賦此促之

虛傳嵇駕入秋來實恐猷船興盡迴高枕轉深今雨味  
故人元是客星才匣中霜色寒孤劒牀底春聲怨舊醅  
見語花時能鼓楫教令日日探江梅

其二

百年歧路死生分垂白依然兩廣文郢雪更誰能和我  
吳山何處不宜君還因浩蕩期春水莫使虛無似楚雲

解道海鷗能見忌即今林鹿已成羣

李太史本寧督學關西以得與于鱗後先自喜責  
詩為贈

璽書今旦出承明仙掌蓮花色自驚三輔豪賢俱北面  
一時詞賦更西京黃河直瀉崑崙派白雪遙飛郢里聲  
倘問受經諸弟子可能無讓濟南生

謂于鱗

其二

被紫橫金三十餘清芬藉甚滿衿裾欲知絳帳傳來業

盡是青藜讀後書日出終南無隱豹春迴河曲有騰魚  
他時倘遇登龍客為道膺門古不如

故相袁公管夫人壽篇

夫人無子而善持家

栢梁甫罷丞相詠栢舟已詠夫人詩門前羅雀久非昔  
堂裏丸熊將為誰節勁冰霜翻見表心長日月自成私  
侯家豈少銜恩客應是張蒼入拜時

贈夢岡宗侯

南斗珠光接女虛一珠雖晚照雙車不煩昭代通親表

曾拜先朝樂善書修竹夾池寬筆札小山叢桂隱簪裾  
亦知篇就先王粲擬報中和愧未如

寄張文學長輿

一刺高名已自知況傳冰柱雪車詩韓門乍喜過張籍  
王棹還應憶戴逵覓醉汝來應有醉問奇吾老漸無奇  
寧勞報案仍青玉但許酬章似色絲

錢叔寶七十

歲宴為文沽所役忽忽不暇存故人除夕把盞

始悟叔寶七十誕辰遂成一律燒燭書之亦不暇辨為何語也

今年今日汝七表明日明正又一年海屋春偷寒意入  
驪珠月向晦時懸碧桃送實符同至蒼栢將圖酒並傳  
手理蠹魚千萬卷可能三度蝕神仙

叔寶藏書最多皆手治故云

迎春日對酒客有談一歲兩春及中秋再閏者漫成一律

故苑今年勝事頻賞心端不負歸人秋當好處仍留閏

臘未窮時再見春，但使黃楊初厄過，不妨青草兩回新。  
高門白玉行來美，却憶雕盤倚桂輪。

戊寅元日家宴試筆

兩從滄海頌王正，三解軍符荷聖明。  
盤裏芳椒偏晚得，庭前玉樹有新萌。  
由他鑿落鳴珂地，不博團圞把盞情。  
五十三年絲髮白，可因升斗負生平。

純甫沈丈將過嶺南貽詩見贈率爾奉酬一律

萬死投荒不自嗟，片鴻驚我白鷗沙。  
神交豈必從傾蓋，



身在何須復顧家  
過嶺清霜披瘴色  
懷人古戍有梅花  
江山處處皆文苑  
莫遣窮愁負歲華

胡元瑞見贈之作  
推挹過甚聊此奉答  
兼識賞懷  
屈指詞場半有無  
時名雖淺未全誣  
疏來九派江偏壯  
攝盡羣星月轉孤  
爾自新書成越絕  
猶能促節和吳趨  
人間句在從拈看  
何事追論大小巫

其二

代興天地有詞壇  
國士誰能不讓韓  
一字已知追古易

千秋寧復歎才難  
天橫削壁閩山住  
溪帶流雲澌水寒  
此地由來饒八詠  
陽春可許和人看

與繩廷尉入朝邀會吳江道中作

習習吳江黃鳥風  
尊前天地故人同  
誰能結襪如張尉  
豈為彈冠學貢公  
仙舫暫分卿月朗  
使旌偏借法星雄  
無冤自是諸賢事  
沒齒吾安一壑中

戚都督以一壺雙掌為壽走筆志謝

忽驚春色到茅茨  
為有東風塞鴈隨  
宛爾並頭雙鑿落

居然大腹一鴟夷真珠出榨初添興老瓦為盆合退時  
把向竹林還屈指風流十載舊吾師

寄答曾司馬以三

明時帷幄運籌多熟釜銘功字可摹聞道黑山仍款塞  
見來滄海不揚波和偏郢里陽春調賡是虞廷喜起歌  
總為懷人清興發可將佳句施煙蘿

貞吉宗侯遠致新詩古窰孟盎賦此志謝

不斷文魚下楚波一時春雪豫章多怪他牛斗居然色

為有驪珠未盡過蘭畹采來新結佩桂叢招罷舊成歌  
酒鎗原是嵇生物把贈何家侈薜蘿

送成伯詹錄頒兩宮徽號詔於閩中

使者銜書下七閩馬頭能散萬家春來時紫殿椒花發  
到日雕盤荔子新盛際兩宮俱聖母清朝列國讓王人  
欲知問寢龍樓事爭訪含香鶴禁臣

壽莫方伯先生子良七十時誕辰為四月七日也  
抽簪已是十年餘金紫依然山澤癯過海鷄林爭購禁

當朝鵷侶却無書  
康成表後初稱里貢  
禹徵來不賣車  
正是清和好時候  
能容小友問郊居

其二

蕭然海鶴出風塵  
誰識三朝舊省臣  
十八年前書已就  
五千言後事方新  
生當文佛將臨日  
老作羲皇以上人  
可道漢庭偏貴少  
只今明主下蒲輪

蘭谿司諭彭稚修中  
讒移疾請告輕舟過我山園  
有贈

悠然便襍廣文氈借我祇林片石眠立骨總看銷不盡  
病心猶妬捧時妍一官空傍成羊地萬事今為失馬年  
若過嚴灘應有合古來元自客星偏

王司訓超拜和平令賦此送之

蕭蕭苜蓿廣文多忽作潘家花滿柯久矣上書新禮樂  
君有疏定大樂可能為政倦絃歌丹砂不必尋勾漏桂酒還聞

近博羅自是君身有仙骨雙鳧非遠問明河

陳玉叔大叅自淮以蜀中新詩見示有答

雙鯉何妨識面遲  
沾沾同調復同時  
爭傳正字初年句  
近得夔州以後詩  
三峽風濤從此壯  
九河雲物待君奇  
祇園一壑差無恙  
未遣干旄使者知

寄贈武林施翁施名經故將軍也

隱囊班几恣清遊  
最諱人間說故侯  
菊勝東陵瓜五色  
家輸荆楚橘千頭  
降心只傍禪僧語  
信足那妨醉尉留  
若問弇園何所似  
六橋西去藕花洲

題畫寄壽黃都督

一劍仍霜十四州。鸛鷺千隊肅清秋。毋煩更借君王箸。  
見說新添海屋籌。飛去尺書為屬國。頒來斗印是通侯。  
還聞幕府風流事。白袷單褙狎釣鉤。

自崑城還茂儉携尊同伯龍無美見送

秋山隱隱別歸橈。賴爾諸賢破寂寥。未必林宗多似許。  
還應茂世興偏饒。行厨浣露青絲潤。小榼傾霞紫珀驕。  
不為野夫眠思發。乘潮還向玉龍橋。

張助甫自陝西叅議遷按察開府於池久之不至



乃聞仍移陝西按察賦此寄之

候吏江頭黯盡還依然真氣向函關自來河內無如寇  
又道征西祇一班露冕再行三輔兩除書虛攝九華山  
祇愁沙塞黃塵色漸入麒麟畫裏顏

看仲德與張子予轟飲作

小阮時時酒債多况逢江左步兵過相看只解呼紅友  
半醉猶能捲白波百斛從傾銀鑿落兩山旋對玉傀俄  
欲投客轄翻愁住將耻吾壘柰若何

屠長卿使君見過弇園與曹子念同登縹緲樓分  
韻得雲樓字

促膝相誇愜所聞不須呼酒便能醺高情已是傾中散  
奇字那能敵子雲談到湖山如得色坐來天地盡成文  
還憐解媾西京遠牛耳於今漸屬君

其二

倚酒仍登百尺樓欲將風物供吟眸未規虞嶺披雲出  
如練婁江抱郭流入詠汝應推沈約一觴吾可廢曹丘

莫疑三老催呼棹恐有精光犯女牛

君於詩甚推沈嘉則故云


壽陳封君提學允升父也

鵬袍鶴髮雅相當況有黃鸝譜壽章謝院芝蘭時自好  
鯉庭桃李更誰強身偏四聖舒長日地是三吳快樂鄉  
一盞一壽應莫厭與君還醉十千場

故將李棄官學道垂九十矣而叅方不休賦此贈  
之

垂楊左肘莫生悲老樹新萸也未遲塞外只知摧萬騎

身中可曉殺三尸五千文是君家祖八百名元李氏兒  
會得黃庭一句意不須天際覓鍾期



弇州續稿卷十四

欽定四庫全書

集部

弇州續稿卷十五

詳校官編修<sub>臣</sub>潘庭筠

中書<sub>臣</sub>劉源溥覆勘

總校官進士<sub>臣</sub>楊懋珩

校對官庶吉士<sub>臣</sub>何思鈞

謄錄監生<sub>臣</sub>袁文宿

欽定四庫全書

弇州續稿卷十五

明 王世貞 撰

詩部

七言律

讀于澤州致于鱗所著詩選遺珠有感

歷下孤墳已黯然，郢中高倡世爭傳。  
猶疑紫氣占難盡，更得青箱手自編。  
一夢可能忘李白，諸生真見守楊玄。

空齋欲讀先揮淚為憶論文倚樹年

子厚宗侯貽書及詩見贈賦此奉答

結得雙緘學鯉形商歌欲讀更愁聽龍當倦雨須名伏  
鴻不高空可字冥縱許平原求自試寧如中壘罷傳經  
當年却悔無休汝誰似君家眼代青

李先生

關

以詩集見委序草次奉答

徵君亭館傍嵩丘一字吟安傲五侯不向汝南誇月旦  
還從江左問陽秋驥能伏櫪寧嗟老蚌始成珠可暗投



莫倚陽春輕索和千年孤調使人愁

孫狀元冊封南陽便道還里索贈

金吾小隊出天閭為擁文星指豫方  
桐栢水迴龍是節  
毘陵花發錦為鄉  
香同奉倩餘鷄舌  
賦似相如有鸛鵲  
試問詞壇諸大將  
江東誰不怕孫郎

奉和大宗伯董公返棹之作

初疑興盡子猷還  
咫尺清苕未可攀  
日暮碧雲離合際  
江秋紫氣有無間  
勞公郢里歌中雪  
念我祇園夢裏山

莫笑野人虛擁篲至今猶自掃柴關

陳子吉應東閣之辟蜚聲燕中久矣今年遇余婁  
水知尚因公車出徐李二相公林尚書詩見示  
因繼其後

握手江湖意悄然辟書羔鴈記游燕宮花可自翹才館  
袖草猶餘應制篇丞相總知還有命公車雖晚不論年  
却憐吾似鄒長倩撲滿投君貯幾錢

董徐二進士見訪山園守公留晏而余以掃墓東

歸不復稱主人賦此志愧且訂後期

攀栢秋原一慟迴如聞車馬破蒼苔亦知凡鳥題猶濕  
翻為求羊徑不開下榻仍慙豫章守窺園誰更廣川才  
相期尚在梅花發會譜雙龍笛裏催

初聞應天尹命述懷

納得鄧襄使節歸忽聞新命領留畿縱令丘壑誰論是  
若語巖廊轉更非一叟徘徊吟竹徑羣兒顛倒換羅衣  
莫言清切丹陽尹何似山人傍少微

乞休疏上聞見阻公車志恨

麋性雖馴尚畏人蒼浪衰鬢已如銀陳情表上虛何益  
歸去辭成恐未真造化豈應私長物風塵元自妬閒身  
弇園何限相留態松竹依依更幾旬

將赴留尹出門作

疊鼓鳴榔試曉風倦游心事寄冥鴻已拚車畔聞歌鳳  
何必幘頭有畫熊游客似誇輕薄尹居人應喚冶城公  
離筵欲向清洋盡依舊三弇醉夢中

抵丹陽聞南中有流言即返棹

幸不將身與念違  
艤符轉首便成歸  
紫衫頻著難長是  
白簡雖煩未盡非  
耳慣酒酣元不熱  
心安食少也能肥  
江東儘有容人處  
水石中間一釣磯

投劾南歸抵家作

剝啄應令稚子疑  
雀門風雨晝淒其  
能如五日張京兆  
又作當年柳士師  
甕底尚殘斟別酒  
尊前能詠解嘲詩  
祇嫌三老來催直  
不及山陰興盡時

歸後呈元馭宗伯

不為冰霜哭路窮，將從里社逐春風。  
一官鷄肋毋憐我，萬事龍頭盡屬公。  
習靜稍知前日短，避言那望故人同。  
采芳倘有褰裳興，未少蓮花濁水中。

己卯元日雪中飲試筆時以除夕立春

柴門爆竹不須催，病怯流年又一迴。  
已遣黃鷄驅臘去，真成白雪和春來。  
盤中傳菜猶疑栢，庭際封條總是梅。  
任使臺官傳酒誥，可能茲日廢銜杯。

得在籍聽用之命有感

才微不合詠烏烏  
試看南牀白簡無  
豈有涓埃裨海嶽  
仍勞約束到江湖  
君恩浩蕩留通籍  
歲計蕭條只飯蔬  
覽鏡自然成一笑  
可容衰鬢脫菰蘆

東泉丈解太僕歸從少春兄游有寄

肯為浮榮擬是非  
歲寒高誼見來稀  
空勞貢禹彈冠在  
但好虞卿解綬歸  
疏草尚寒千古色  
纓荷差勝五時衣  
芝苓滿地雙堪斲  
莫向東山咏采薇

寄少春丈時刻余所贈詩文於石置遲鴻臺

臺畔鴻冥成古今臺邊龍臥轉沈深無妨宦拙閒居賦  
可怪時清梁甫吟我自餘生安木石誰從衆毀出蘭金  
勞君不淺相憐意解向王筠句裏尋

沈休文書王筠詩句於壁故云

哭子與方伯五首

樓船疊鼓出吳關坐見蕭蕭短旆還化劍豐城餘紫氣  
藏書天目是名山官從幾命頭先白語到千秋管自斑  
惟有寸心猶未了可能揮手厭人間



其二

豫章題字墨猶新  
南浦招魂事已真  
未老江東徐僕射  
仍為天上石麒麟  
虛疑欲界無長日  
但是詞林不利人  
四壁圖書山百畝  
向來吾豈念君貧

其三

慈烏別宿舊林枝  
寡鵠啼霜聽轉悲  
論比偉長差有位  
年齊摩詰總無兒  
吳雲欲散青蘿館  
滇海虛傳白雪辭  
從此筭溪西去路  
的應難似舊游時

其四

愁將舴艋入菰蘆未到吳興淚已枯  
矯首乾坤諸子盡斷絃山水一身孤  
書貽王粲能傳否劒許延陵再挂無  
不少溪苔堪作供用君家法薦生芻

其五

當年西省業西京散入諸侯狎主盟  
握管僅殘吳下叟修文今嗣濟南生  
里存魚舍誰留食天折龍門可借名  
但遇江湖羣潦倒豈應無淚向菰城

送莫廷韓應北都試

社酒雖漓離思濃  
鏗然匣底響霜鋒  
華亭不是羊公鶴  
洛下還驚陸士龍  
見說燕金貪驀裹  
官教秋水怨芙蓉  
賓歌莫動思歸念  
春曉須聽長樂鐘

壽大司寇錢公八十

三朝一紀遂閒居  
矍鑠精神釣渭初  
國老壽齊錢尚父  
耆英官是白尚書  
瑤池醉色桃堪並  
玄圃仙姿鶴不如  
聞道辟雍修盛事  
吳閭早晚見安車

於弇園餞馮使君之楚右轄

別墅留聽黃鳥啼暫浮單舫當分携  
泝沿須緩愁源盡歌舞頻揮思日低  
小坐可移醒酒石元戎合記浣花溪

籠紗未是山人事白板縱橫信醉題

時公有  
留題詩

其二

毋論泉石殫夫君草木思深惜離羣  
但是甘棠稱召伯還從大樹識將軍  
峰如衡嶽低多尺水比湘江讓幾分  
了得逍遙鵬鷖意應登楚閣賦吳雲

大司馬劉公六十

八座歸來鬢尚玄  
三朝名德許誰先  
寧因水鏡繁桃李  
不為風塵損蕙荃  
白璧轉看蠅後瑩  
明珠初吐蚌中圓  
莫疑少選安車下  
猶去懸時一十年

答和魏太學見慰之作

倦飛誰不愛林蘿  
況有新詩慰藉多  
身是王生寧結襪  
君詩語云云門如翟尉任張羅  
蠹魚漸老猶飡字  
蛙黽何能

且和歌奉帚  
主恩吾豈薄  
西施其柰浣紗何

末語謂魏也

寄王大叅陽德時公初歸永嘉以黃柑見貽

但作歸人事事堪永嘉名勝擅東南吹笙雅稱王喬嶺  
著屐偏宜謝監巖客至風前饒白苧書來霜後有黃柑  
祇愁行樂燕京妬不怕中山謗一函

感懷寄王大叅陽德

六代三山妬客蹤猶餘五嶽可扶筇應來我馬元非馬  
悟得人龍有似龍祭酒偶叨詩社長通侯仍傍醉鄉封  
煩君寄與何曾道到老還輸阮嗣宗

劉司諫君同時舉二丈夫子然二母也其父憲副  
公以吉兆命名遣乳媪先期而至邑大夫士奇  
之為詩紀其事而命貞次焉

少府齋頭柳更青鵲然佳氣欲充庭崑岡乍吐雙良璧

君治崑山而憲副命名從崑其下字左從土

楚部先占二小星

君楚人也小星用荀文若

事共道龍門饒續史雅聞麟筆有傳經啼聲不斷皆英  
物試看還應訝寧馨

其二

見說仙游夢更奇縣衙西北狀元祠

君嘗夢謁顧文康公祠既至治臨祭

宛然無何而有茲慶麒麟天上傳雙趾蘭玉庭前長竝技讀到父

書應自易絕來祖武定非遲二雛虛道徐卿好誰似君

家在一時

送顏司理之任平樂

官好那愁度嶺難年青不怕瘴煙千山逢仙吏誇丹竈  
澗向明時愧考槃繪閣風簾排秀入訟庭霜筆到春寒  
從他筇竹衫蕉好只作浮雲過眼看



自長興還抵峴山遇李使君冒雨邀酌屈指郢中之會忽五載矣歸成二章奉寄

小輩依微指白雲老僧初見怯相聞當年知識羊開府  
今日翻陪柳使君  
蓂蓂雨來珠作供  
野蘋風起穀成文  
不應呵殿松間別為恐青油擾鷺羣

其二

出雲溪山暫緩愁仍從地主見風流長勞郢里陽春憶  
少為吳興夜雨留  
浮玉島驚新宰堵市金人指舊優叟

明朝舴艋煙波去物色知君未可求

為吳侍御贈廣西鍾提學

中外臺端見表儀不煩霜面瘴煙披分來秘閣藜千點

校後諸生桂幾枝門下陳欽談左氏

蒼梧為公屬郡

江東匡鼎

受葩詩懸知獨秀峰頭坐五嶺雲霞更屬誰

公讀中秘書為御史

提學南畿故云

喻工部邦相以前天台令謁選枉道見訪出楚中

諸集讀之感而有贈

破浪衝炎舴艋孤偏勞物色到菰蘆文驚賈傳浮湘好  
歌愛王郎斫地無休汝蓮花依白社游燕桃樹滿玄都  
欲知循吏從文苑樂府應添于薦于

凌大司馬汝成成嶺表功入叅留務奉送一章

春風十萬偃貔貅誰似元戎晉錫優五嶺輿圖開一半  
百蠻冠帶比神州銀章首考中書令畫閣肩齊博陸侯  
均佚莫言分洛好璽書連夜下長秋

寄太平龍同知身之時兒子以試事過謁

陰陰桃李遍吳關竹馬胥江望轉殷第入中興循吏傳  
何須北闕諫臣班名高不讓諸侯美才大長憐半刺閒  
欲識使君行樂處千秋今日是龍山

其二

杯酒吳閭惜離羣一時賓從雅能文快哉丘壑歸田父  
美矣樓船屬使君試汎錦帆牛渚月能忘籃輦虎丘雲  
如聞兒輩窺東閣倘有餘光可借分

殷無美與沈君典狀元有南宮之好今將訪君典

於宣城賦此送之并簡沈

當時蹀躞競空羣頭腹俱龍尚未分器業三吳殷往嗣  
人倫一代沈休文西山霧隱仍如昨南史風稜始獨聞  
此去采芳携手處誰能不妬敬亭雲

北僧行脚而携諸名士卷乞詩因贈之

衆方一鉢信心行祇為詩編錫不輕時至世尊須乞食  
古來菩薩也求名新憐江左多貧里舊詫燕中有化城  
千品蓮花隨事誦勸師須是斷無明

袁黃巖寄鴈蕩圖及新詩見示頗懷壯游之感

高枕柴門掩綠苔素書驚為故人開如分鴈蕩羣青過

忽挾龍湫萬玉來康樂恨長乖試履

昔人以謝康樂不識鴈蕩為恨河

陽詩好任登臺君家夏甫終難慕雙足何曾限八垓

壽濮遊擊四十

千秋帶礪中原舊三翼戈船海戍長緩帶諸生談碣石

飛書一箭下扶桑心因捧日長懸赤髻為壽邊欲向蒼

四十擁旄真謝掾從今更擬郭汾陽

壽大宗伯吳興董公七十

七袞三朝命世臣  
長從龍馬鬪精神  
文章海外鷄林重  
宰相山中鳳詔新  
步武有園過梓澤  
比閭為日望蒲輪  
偏聞勝事開秋社  
逸老堂推第一人

賀大宗伯董公孫捷秋試

一時名著潁川君  
最喜元方復有羣  
舊夢金莖仍沐露  
新栽玉樹已干雲  
徵歌盡道繩公武  
命字初看竝手文  
自是天人三策在  
春來重向漢廷聞

再寄答胡元瑞且邀相過二章

飄然年少棄繻生每出新篇令我驚一字風雲爭吐氣  
千秋日月破藏名無奇寂寞甘揚閣有好嵯峨必漢京  
五子見來今已盡那能白眼向時英

其二

不獨文章冠盛時雅聞姑射並風姿酬君一案非青玉  
寄我諸篇竝色絲清節異時隄乃父中庸今日亦吾師  
莫誇終古神交在所見俱應勝所知



送曹子念赴永嘉謁謝王使君陽德因遊天台鴈

蕩諸山

江南十月未風沙  
髯客翩翩問永嘉  
報贈豈無青案玉  
歸裝定有赤城霞  
鴻飛絕巘書千里  
蜃擁蒸波錦萬家  
最是府公為地主  
可能留賞及春華

承明輔方伯見訊且有秘示奉答一律

問我歸田何所云  
浮名損盡任離羣  
畏聽西竺三生語  
懶乞華陽十賚文  
有酒不妨長短日  
是身堪作卷舒雲

知公最得無師智莫遣人間俗耳聞

元馭宗伯留賞菊忽有紫牡丹一株異而賦之

學士銀魚焚不遲居然陶令傍東籬誰云晚節無三友  
忽許天香借一枝賜紫獨應誇彩服配黃雙可薦金卮  
知公大是春秋筆能遣風光並此時

李公自留都督學轉北奉常有贈

教鐸方傳振舊京容臺忽爾傍承明行時祖帳看猶絳  
到日長齋羨獨清天地似新周禮樂星辰依舊漢公卿

由來柱史偏諳典門下何煩致兩生

穆考功敬甫以書及詩寄慰奉答志感并言近况  
已勞燕鴈破蕭疎更許唐風慰索居慈母尚投三至杼  
故人能辨一函書空華過瞬那堪捉病草逢吹偶暫舒  
欲識近來真懶態雅無餘興及樵漁

穆君以近詩刻石并刻余詩寄謝

隱豹瀾斑不掩姿環臺琬琰有新辭共傳鄴下韓陵石  
全壓江東幼婦碑倚玉久應慙我穢漱珠時復露君奇

怪來天際漳河色忽有雙虹映日垂

戚都督加太子太保奉賀短章

天朝列障大論功兩綬新兼將相雄祇道元戎臨紫塞  
還聞太保領青宮輕裘繡領初盤鶴軟轂軺車舊露熊  
唯有貂蟬餘事在可能無屬銳頭公

卓光祿過我弇園有作聊倚贈

念爾真成汗漫游煙波一艇傲深秋從探茂苑名山盡  
且為愚溪少日留彩筆老憑添氣象青鞋輕自吐風流

題橋賸有王孫字時復摩娑緩別愁

余園有月波橋

殷無美談君典築室水中謝客讀書與鄙況合有

述

殷生纚纚說行藏令我翛然思沈郎予告乞分天一曲  
移家俱住水中央浮生轉愛青雲薄傲吏能私白日長  
料得書成應自署春秋繁露漢賢良

雪夜大作晨興有報弇園之勝者病不能赴作

初聽淅淅打簾櫳睡起俄驚天地同老圃狂呼千樹玉

病夫貪守半鑪紅行吟故讓孟處士僵臥差強袁郡公  
却憶傲寒諸俠少臂蒼穿過灞陵東

臘月十日夜雷電大雨有述

前年臘月雷電作今年雷電臘如之即開棠杏能幾日  
欲出龍蛇何所為閉陽書成弟子誚離畢語是門人疑  
襟披幘岍事未了已有雪霰紛相隨

賀學士何公弟仲君入史館

胎簪峰色轉嵯峨桐栢雙流逼絳河學士班中鴻序近

舍人池上鳳毛多追鋒次第穿花萼下直聯翩響玉珂  
聞道相麻饒潤筆弟裁兄草定如何

大中丞胡公入佐司徒貞以多病里居不獲一從  
父老臥轍請留聊成二章以壯行色蓋公之功  
德人能誦之而公之苦心人不能盡知也故於  
結語中深致感云

關西清白古來傳數到胡威更瑩然新轉地官饒建地  
近從天語見回天尋常八座人猶羨四十三台爾更賢

惟有苦心真絕處青燈疏草淚痕偏

其二

五雲將送畫熊車欲借先知尅不如主計十陪蕭相府  
昇財能用范卿書窮簷盡屬吹噓後多士爭承咳唾餘  
漸老杜陵懷舊切春風寂寂浣花居

庚辰元日即事

匡牀午坐岸烏紗庭玉分行砌長芽鄰父能攬婪尾酒  
相誇不數撞門茶鑪空旋喜煨楓葉坐暖從教舞雪花



若語江城真勝事春來端合到誰家

雨中即事有述

衡門寂寂罷周旋  
暝色昏昏且晏眠  
有酒有詩無勝地  
聽風聽雨過流年  
累茗聊任諸兒戲  
開卷粗窺六祖禪  
除却自身還自了  
不妨喧靜但隨緣

范子將有金陵之遊賦此為贈且復招之

釜中生塵范史雲  
忽往金陵答所聞  
朱雀桁頭賣歷日  
栖霞寺裏讀碑文  
齊瑟總工何處鼓  
奚囊倘重若為分

故園儘有鷄豚社一盞春醅且易醺

徐嘉定量移離邑無羨索贈

計吏尚書有譙訶量移才子未蹉跎中年豈少循良狀  
即墨其如左右何寫影天疑元會誤琴聲人許練川多  
殷生似向兒童約竹馬無妨郡綬過

和陳玉叔大叅雪夜見懷之作

射堂飛霰點朱衣擁鼻微吟念采薇豈謂剡中游客盡  
端因郢曲和人稀漁蓑此夜寒從劇鶴氅當年貌已非

猶記醉呼兒輩語五陵豪俠臂鷹歸

二月十三日作

苦海依稀見宿因長期抖擻出風塵從他班管書文伯  
不博黃冠署道民舉眼便非干已事到頭須認自家身  
似聞寒雨多僂僂二月梅花始露春

其二

海上青鸞杳未還至今消息有無間毋論神女曾捐珮  
不向君王乞賜環風急亂英迷客路雨晴圓照滿家山

雙輪任是催人緊見說難銷物外顏

董茂才揚名以文見贄有贈

四明狂客代不盡今汝毫翰復縱橫  
鑪中赤董精已就匣裏青萍雄  
自鳴末路交游皮作相滿堂文酒目偏成  
毋輕潦倒寬長服漢策還須待董生

傅公瑕携麗人梅花新居貽書自辨而詩有晚得  
新交萼綠華語蓋指梅也且索和章賦此駁之  
并用志嘲

見說新居傍若耶時過蓮女髮如鴟縱令解贈金條脫  
未必真逢夢綠華為雨為雲終屬夢非空非色向誰誇  
道人也住梅花屋紙帳疎櫺月影斜

聞家弟乞休不遂有感

草色池塘夢未真天涯難問憊和貧阿誰傳得思歸引  
令我長為誑語人竹箭自然江左貴桃花無恙武陵春  
柴門掃罷還堪掩不必埽荒賸老身

其二

神虎門頭欲解簪名高天亦妬山林未應君相真司命  
自古行藏好信心龍性馴來生蓊法鳶肩看後起知音  
但令五技如凡短不畏藤蘿臥不深

子厚王孫再寄新文有答

一片春雲五色翰開來字字吐琅玕亦知唐叔成圭易  
不放長沙舞袖寬宅近南陽龍好臥臺偏江左鳳難看  
君知此道千秋貴試把微言問子桓

伯承少卿自報國寺分手二十五年矣雖訊問不

廢而笑談永隔今歲初夏復有一詩見遺聊爾  
奉答

招提杯酒散詞盟華髮蒼顏鑄此生各負一編湖海日  
不貪羣少斗山名升沈事事歸陳迹耕鑿年年飽太平

見說白公禪觀後紫綃菱角對彈箏

君詩問我祇樹林  
而管絃之樂日甚

故尾  
及之

答舍弟敬美觀還復履江右臬任時偕余訪道有

遇

春風至自薊門天念爾行藏並有緣  
謁帝雲裾猶五色  
逢真靈藥更千年  
章江竹馬迎維楫  
婁水茅龍引別筵  
笑殺豐城尋紫氣  
於今雙劍女牛邊

其二

抗疏歸田計已虛  
惠文重戴莫躊躇  
當空月朗從圓缺  
過巘雲閒任卷舒  
翫世不妨身內寶  
誤人須辨枕中書  
茅家仲弟饒供張  
可道難兄去不如

伯起不就公車杜  
門著書寄此致羨



旋卻公車甘隱淪愛君初作自由身書成柿葉真如晉  
種得桃花不避秦湖海幾曾湮竹帛煙波隨處吐絲綸  
倦夫塵夢從誇覺爭似元無入夢人

寄壽宮保大司空潘公

淮海仙帆指日懸燕京優詔自天傳那知嶽降生申地  
已是河宗獻瑞年帝賚玄熊因拯世人誇白馬不沉淵  
宣房信有如椽筆能寫虞家禹貢篇

戲章仲玉寫楞嚴經且用自解

要君日日寫楞嚴曇磬村頭損素纈夜望神光生口角  
朝疑舍利吐毫尖行歌劍客縱將薊調笑書生舌欲箝  
真箇法門無一字五千函卷是誰添

雲巢老人走使渡江以詩相問有作序定千皇甫  
謚語賦此報之仍寓懷仰

却掃深居萬事空脩鱗珍重下江東何哉一序煩玄晏  
久矣三都屬太冲老去浮名杯酒外悟來歸計佛燈中  
亦知杖屨難徵逐幸自鞍山兩地同

少司馬四明范公以詩見約相過和韻奉酬

燕市分携春復秋  
讓公先已占滄洲  
長誇謝傳圍棋樂  
不作虞卿解印愁  
一范高名南斗在  
四明狂客古風流  
由來禹穴饒奇秘  
可放靈威少日留

公家古文秘籍  
甲江左故云

四月二日即事

方除忽展類西清  
隱隱蓮花踏處生  
天語獨傳三字切  
玉衣真見五銖輕  
流霞欲動靈旂色  
滴露如殘警珮聲  
聞道穆公誇饗帝  
吹簫元只為秦嬴

其二

小閣文窓影綠波  
葳蕤不啓動輕羅  
競承初日芙蓉媚  
忽轉輕焱翡翠過  
巫雨髻鬟看漸吐  
楚雲環珮聽來和  
欲尋別後羣真位  
只在黃庭內景多

其三

五雲佳氣藹充間  
一綬如虹挂太虛  
忽展凌波無縫襪  
貪看爭日研光裾  
金庭白鹿愁驟駕  
玉局青羊惜授書  
灑壁天漿渾勝蜜  
人間大有渴相如

其四

琚聲縹緲復徐徊拂棟香雲裊未開北絕上妃應悵別  
南真司命好重來丹砂剩得仍為米桃核藏來可是杯  
最幸導師還召對畧言塵世有仙才

唐明府元父母七十一

桃花無恙訟庭春鶴髮交輝過七旬單父能諧琴底意  
萊蕪不厭釜中塵棠雲一供神明宰菽水雙為底豫人  
試欲添籌何所證唐生占相久如神

壽蕭安人七袞

郎中某母也

里中蕭檜梁朝種門外蕭郎漢節歸檜歷千秋多氣色  
郎驅六傳有光輝飛來鳳五盤花誥賜出鷗雙颭彩衣  
況是海東仙跡異可無桃實令顏緋

屠青浦長卿以詩采真聊爾倚和

紫氣那從令尹孤白雲秋色滿江湖驪珠采去人人看  
鴻寶探來字字無任是緱山能跨鶴寧如葉縣早飛鳧  
相逢莫問函中記但共長房酒一壺

寄處州喻太守邦相兄

拈蒼太守樂有餘  
兩衙無事但讀書  
開籠自調青田鶴  
罷酒不啖好溪魚  
畫長烏雀衙吏幘  
秋淨煙霞生客裾  
却問錢塘舊官長  
玉臺手板竟何如

徐大宗伯以佛語見訊倚韻和之

老來離欲正中偏  
差勝耆婆始上天  
累盡可餘迦葉舞  
慈深寧愛辟支禪  
開槭罔象欣珠得  
倚杖長庚配月懸  
悔不乞公祠部牒  
也堪將換沃州田

答荊府樊山王以文草求訂

時自虹光倚少微那無物色到漁磯人從白馬看如練  
詩向黃梅擬受衣袖裏澤蘭愁信遠懷中荊璞怨工稀  
亦知竹素千秋業敬禮人間有是非

辰王道兄游南雍應都試賦此期之

橋門經術冠諸生藝苑風流更大名但使茅家容季偉  
不妨韋氏挺玄成芙蓉榜下看雲色桃葉渡頭歌月明  
處處江山堪入畫還同平子賦南京



林大迪者故同年尚書對山子也閏秋之月忽訪  
我海上以其所著黻桂堂草來讀之大較鴻臚  
典麗不操閩音而七言古近體尤自琅琅維林  
之先父子兄弟正八座者四人其它乘朱輪組  
銀艾者又十餘人大較以高節偉行著天下蓋  
業先其大者而於茲途實未闕也夫豈獨閩自  
待用先生與長沙諸公角善夫先生與北地信  
陽諸公角而草昧尚屯時傷質勝君子猶有歎

焉今者彬彬矣筆路藍縷之徒大廸其超乘焉  
媿哉余甫有筆硯戒不能為之叙而以一詩致

賞

代有尚書能識履里多喬木總推林傳來鳳羽尋常物  
別採龍脣大始音小語時時霏屑玉新編字字比南金  
老夫且拭山陽淚報爾悠然千古心

弇州續稿卷十五